

صاحبی، مدیری، محرری:



اسلامك نفعنه خادم مقالات
مع الت شكر قبول ونشر اولونور
يا زالمك شخصيتي دكل، يا زالمك احميتي
نظردقه آلتير .
كلن يا زالمك دن شايان قبول كورولنلر:
تاريخ ميراميله درج ايديلير .

عدد: ۲۱

نسخه سی ۱۰

غروشدر

محفصل

۱۳۳۸

علمی، ادبی، اجتماعی رشید بیک

شهری مجموعه در

۱۳۴۰ رجبیه مخصوص نسخه

اداره خانه سی: آق سرایده
ملا کورانی محله سنده مهتر
سوقا غنده ۳ نومر اولونخانه

مرکز توزیعی:
باب عالی جاده سنده (اتحاد
تجارت) کتبخانه سی

آبونه بدلی:
سنه لکی ۱۲۰ غروش
آلتی آیلنی ۶۰
اوج آیلنی ۳۰

جلد: ۲

مترجمات:

محفصل علمی: طبقات مجتهدین - اسکلیلی محمد عاطف - لسان فن و شرعه طیبیت - محمد عزت .
محفصل تاریخی و اجتماعی: حضرت فاطمه نك جیازی و ذر کونی - طاهر المولوی . عبدالله بن جحش - طاهر المولوی .
مولویك مناقبتدن - فرج دون نافذ . بابیلک - احسان محوی . جنوبی هندستان مسلمانلری ،
مولیلاهلر - سعدی .
محفصل ادبی: عبدالله جودت بکک برتذ کره سی و جوابی - طاهر المولوی . فضولی - سعید المولوی . دوشوندم -
عبدالعزیز محمدی . غزل - محی الدین رائف . غزل - محمد صادق . شعر و قادی - فکری . ویران
معبذلر - عیسی روحی . تله ماق ترجمه سی - *

تبريك :

بوشهر معظمه باشقه بر شرف قدسيت ويرن
(رغائب) و (معراج) ليالى مباركه سنك امت
محمد حقمند مقيم اولماسى الطاف الهى دن مستعدار.

مخفل علمى

طبقات مجتهدين

مابعد

دورت يوز تاريخندن اول علوم شرعيه تحصيلنه
فوق العاده اعتنا واهتمام اولور و مواد اجتهاد احاطه
اوله ورق قرآن كريم ، تفاسير ماثوره ، احاديث
صحیحه نبویه ، اقوال و آثار صحابه دن استنباط
احكام خصوصه صوك درجه اهميت ويزيليردى .
بوسايله اودورلرك فيض و برکتيله هم مجتهد
مطلق و هم مجتهد مقيد قابليتند بك چوق عالم دين
يتشهر ك لايمد ولا يحصى دينه ك درجه ده احكام
شرعيه اجتهاد واستنباط ايتملردى .

هجرت نبويه نك دورت يوز تاريخندن اعتباراً
عالم اسلامده تحصيل علوم دينيه به اعتنا واهتمام
آزالمغه باشلايوب مجتهد مطلق اولق ايچون ا كتسابى
ايجاب ايلين علومى جامع عالم دين يتشمه مديكندن
اوزماندئيرى بالضروره مجتهد مطلق ظهور ايتمهش
ايسده (مجتهد فى المسائل) درجه سنده بك چوق
عالم دين يتشهر ك صاحب مذهب طرفندن متصوص
اوليان بر چوق مسائل فرعيه اجتهاد ايتملردى .
ائمه اربعه كى ايلك عصرلرده يتشان مجتهدين كرام
حضراتى احكام دينيه ده احتياجات اعنى دفع ابدء ك
درجه ده استنباط احكام ايدوب بر قاچ عصرده
بر دفعه وقوع بوله حق نادر بعض حادثه لر عائد
احكامد نبشقه محتاج بيان هيچ برشى براقه ملردى .
بو احتياج ايه مجتهد مقيد واسطه سيله دفع وازاله

اولينوردى . آنك ايچون هر عصرده (مجتهد
فى المسائل) درجه سنده عالم دين يتشمه برنك امت
اسلاميه نك اك مهم وظائفند .
عرض اولنديكى وجهله اوائل اسلامده امت
اسلاميه بووظيفه دينيه فوق العاده عطف اهميت
ايدرلردى . عامه ناسك شرق و غربده عالمى
حياهى مسلك جليل علمه رغبت و توحىي سايله سنده
منتسبين علميه معيشته دوچار مضايقه اولمق قلرندن
كال جدت ايله تحصيل علومه سعى و غيرت ايدر
لردى و فكر و مشغله لرى تبعات علميه به انحصار
ايدوب بشقه شيلر ايله اشتغال ايتملردى ، تدريس
و تدريس ايلدكلى علومى بطورده دكل ، صدورده
محافظه ايله ك نبشقه هربرى شعبات علومدن برنده
كسب اختصاص ايدرلردى . ايشته بوسايله نمالك
اسلاميه بك چوق مجتهدلر ، محدثلر ، مفسرلر ،
متكلملر ، فيلسوفلر ، منطقيون ، لغويون و سائر
علماي متعصبين يتشمملردى .

طلبه علوم هر فنى متخصصى اولان ذوات
عاليمدن اخذ و اقتباس ايلدكلىدن آز زمانده بك
چوق مستفيض اولورلردى .
بواصول مستحسنه نتيجه لى اولمق اوزره آز
زمانده نمالك اسلاميه نك بك چوق يرلر مده محيط
علميلر حصوله كله نك ملت اسلاميه ثمرات علميه دن
مستفيد اولملردى .

فقط علوم اسلاميه نى نشر و تعميم وظيفه لى
حكومت عثمانيه انتقال ايلد ك دنصكره مسلك جليل
علمه رغبت نك باش كوستردى و قوتور هم آرتدى .
كال جدت و خلوص ايله تحصيل علوم دينيه لى
و غيرت ايدنلر آزالدى و سقوط علمى ترايده
باشلادى . بونك اسبابى ايه اولان عثمانيلر زمانده
تحصيل علوم خصوصنده (سيد وسعد الدين رحمهما الله
تعالى) ملكى ، يعنى علامه ك دعوا سنده بولمق

ایچون هر علمی ، هرفی اوکرمک و بیلیمک اصولی
تعیین اولوب دها نافع ، دها مشر اولان مقدماتین
واسلاف کرام مسلکی ، یعنی شعبات علومدن برنده
اختصاص کس ایتک اصولک ترک اولمسی .
ثانیاً — مخازن علوم مثابه سنده بولان آثار
اسلافی ترک واهیال ایدرک متأخرین علمانک قصه
و منلق عبارلی کتابلرینک مدارس بروغرامنده
قبولی ایله مقصدلری آکلامق ایچون شرح ، حاشیه
حاشیه الحاشیه تدریس اولنرق طرق تعام
و تعلیمده صعوبت کوسترلمسی .
ثالثاً — علوم آیه و الفاظ ، عبارات تحلیلاتیه
لزو مندن زیاده اضاعه اوقات ایدوب علوم عالییه
و حقائق نافع ایله بک آز اشتغال اولمسی و علومک
صدورده دکل ، سطورده محافظه سینه چالیشلمسی .
رابعاً — متنبین علمیه معیشتجه دوچار
مضایقه اولوب شرف علمیلرله غیر مناسب و موجب
مذلت برنوع معیشته سوق اولملری و بوسیله
ایله ده اذکای طلابک مأموریت و منصب آرقه سندن
قوشه رق تبعات علمیه ایله اشتغالدن محروم اولملری .
خامساً — ابن کال ، ابوالسمود مرحوملر
ایله بعض مماثل لرندن حکمه ریاست و اداره علمیه بی
احراز ایله مقدرات علمیه بی تدویر ایدنلرک نااهل
و مسلک جلیل علمیه روح افاضه ایدر یسله جک
قابلیتدن محروم اولملری . ایسته اسباب معروضه
و عوامل سائر نتایجی اولوق اوزره عثمانیلر زمانده
الحفاظ علمی تر ایدر باشلادیغندن نه مجتهد مطلق
مرتبه سنده ، نه ده مجتهد مقید قابلیتده هیچ بر
کیمسه یتشمه مشدر . شو قدرک عثمانیلرک ایلک
دور لرند ملا خسرو ، ابن کال ، ابوالسمود
مرحوملرکی غوامض فقهیه و دقائق دینییه واقف
بک جوق اجله علما یتشمشلر ایدر ارباب تخریج ،
انتخاب ترجیح ، ارباب تمیز درجه سنده فقهانک

یتشوب یتشمیدیکی مشکو کدر . تنظیمات دورندن
اعتباراً قوانین حکومتک بشقه منبعلردن آلمسی
و مقدرات امت اسلامییه حاکم اولانلرک افکار
غریبیه تمایل ایله روابط دینییه دن تبعاعلری
حکومتک مسلک جلیل علمیه اولان توجهاتنک
انقطاعنه باعث اولمقله مسلک علمی مظهر اولدیغی
موقع بلندیدن و رغبت عمومیه دن بوسبتون سقوط
ایدر یکندن تحصیل علوم دینییه رغبت ایدنلر دها
زیاده آزالیدی . بونک نتیجه سی اولوق اوزره
مع الاسف عصر اخیرده طبقه مقلدینک فوقه
کجه جک قابلیتده عالم دین ظهور ایتمه مشدره .
بوندنصکره . مسلک جلیل علمیه عطف اهمیت
اولماز و نشر علومه فوق العاده اعتنا و اهتمام ایدلر
ایسه (معاذ الله) کتب دینییه دن مسائل دینییه
استخراج ایدر یسله جک قابلیتده عالم دین یتشمیه .
چکندن قورقو لمقدردر . آنک ایچون اولیای امور
و علی العموم امت اسلامییه مسلک جلیل علمینک
تعالی و ترقیسنه ، دیانت اسلامییه نک نشر و تعمیننه
کالیله اعتنا و اهتمام ایتمه جک اولور لرسه عالم اسلام
کرك دیانة ، كرك سیاسیه ، و كرك اجتماعیاتک عظیم
و بک مهلك مضرت و منهدنه دوچار اولوق
تهلكه سندن قوزتوله ماز .

اسکلی

محمد عاطف

لسان فن و شرع ده

طبیعت

ایچنده تنفس ایتدیگمز ، یاشلادیغمز شو
فضای نامتناهی ده بدقدرندن چیقمه نه قدر اشیا
و مکونات و ارسه بونلرک هیئت مجموعهنه طبیعت
(Nature) نامی ویریلیر .
بومعاده طبیعت مفهومی کائنات و موجودات